

1914年

第

卷

第

1-3

期

最新滑稽雜誌

掃葉山房印行

1914



雲間顛公輯著

最新  
滑稽  
雜誌

上海掃葉山房印行

民國三年石印





# 最新滑稽雜誌自序

五族共和了。五族共和了。這句話在社會上沒有一個不聽見的。沒有一個不會說的。小子想起來好不僥倖。今年活了四十多歲。居然遇着這種好機會。享那共和的幸福。但是一件共和國的。人民箇箇須要有爲。或入政界。或入學界。或入言論界。發抒那福國利民的經濟施展。那經天緯地的才情。方不愧那共和國民四箇字。像區區小子。天天躲在家裏看看閒書。弄弄筆墨。雖是與人無患。與世無爭。然於國家一無裨益。也算是共和國一箇無用之徒了。好在小子的老母也是向來淡於榮利的。並不教小子出外去鑽營什麼事。做儘管天天在家領略那共和的好處。而且曉得小子自小有箇饞病。聽見有甚麼好吃的東西。那五臟神就在大殿內預備開歡迎大會。因此常常弄些精緻小菜。美食品點心。儘着那五臟神受用。老妻曉得了也來湊趣。甚麼瓜子花生糖食水果流水般的送來。小子嚼得快活時。取出那平日心愛的滑稽文章。也有自己胡謔的。也有朋友送來的。也有在各報上抄下來的。眼裏看看嘴裏嚼嚼。心裏笑笑。覺得很有些意味。如此一天一天的過去。那稿子却也積

得不少了。想起區區看了好笑。人家看了必定也是好笑的。從前杜工部有句詩說。是人世難逢開口笑。蘇東坡又說是伸眉一笑豈易得。近來有個醫家丁福保先生。說是大凡一箇人每日能常有笑容。可以鬱積盡抒百病。不能侵犯。可知人生在世歡笑是少不來的。現在有這許多發笑的文章。何不送到上海書坊裏去印出來。給大家看了笑笑。這不是件很有趣的事麼。而且上海多時不去。一定有些新發明的好小菜。可以討好討好五臟神。也叫他享些共和幸福。更是一舉兩便的事。主見已定。急忙上了火車。不消幾刻鐘。早已到了上海。那時天色已經不早。先到四馬路共和春吃了幾樣大菜。那共和春的名兒很好聽。誰知大菜的味兒比較別的大菜館不見得有甚特別。因想明日不吃大菜。須要吃本國菜。了一宵。易過。到了明天在馬路上踱來踱去。想尋一家特別改良的菜館。嘗嘗那五族共和後的好滋味。心中這樣想。不知不覺走到福州路西首。看見坐南朝北一家酒館。什麼名字也不必說。他但見那門前掛起一面五顏六色的旗。飄飄揚揚。在那裏迎風而舞。好像是點頭歡迎的一般。再看那旗上有八個大字。說是五族全席。共和大菜。嚙。這不是最新鮮。

有趣的名目。麼從前酒館裏都寫着滿漢全席。京蘇大菜。自從五族共和而後。那滿字大家都通通改掉。久已不用了。這家換箇五族共和的新鮮名兒。眞眞是文明得很。但是那五族全席。共和大菜。究竟是什麼東西呢。想來滋味是一定不錯的。腹中正覺有些饑渴。卽忙入內揀箇座頭坐下一看。四面坐客擁擠。非常想來都是看見了新鮮招牌。要來嘗嘗共和滋味的。那時來了一箇堂倌。問小子要什麼菜。小子說。就把那五族大菜。共和全席。拿些來下酒罷。堂倌去不多時。送上滿滿的一碗。鰻（音諧滿）鯉。我說這味菜。從前是很時髦的。現在中國人不大留意。到是東洋館子裏。近來很講究。燒鰻鯉。比中國強得許多。可知現在要吃鰻鯉。須到東洋去吃了。堂倌見我不大喜吃。連忙又端上一碗菜來。一看是碗紅燒臟腸（音諧藏）說起臟腸這樣東西。滋膏極多。味道極厚。向來原是一樣好菜。等到用篸夾些嘗嘗。又是不甚好吃。心中不覺奇怪起來。細細一看。原來做菜的大司務。不知何時在臟腸裏。誤放了許多英腿。弄得臟腸原味被英腿多奪去了。你想如何還吃得呢。兩樣菜都未下肚。轉覺有些口渴起來。因喚堂倌。拿箇檸檬果來（音諧蒙古）解解渴。誰知檸檬取

到。正。要。細。細。咀。嚼。覺。得。一。陣。鵝。油。氣。味。腥。惡。異。常。諸。君。想。想。那。檔。樣。是。個。很。清。潔。的。果。品。那。裏。好。沾。得。鵝。油。氣。味。不。用。說。又。是。不。能。吃。的。了。沒。法。兒。祇。好。喚。堂。倌。來。問。他。還。有。什。麼。沒。有。堂。倌。連。說。有。有。一。刻。兒。又。拿。上。兩。樣。菜。來。一。樣。是。回。雞。一。樣。是。炒。蝦。仁。先。嘗。嘗。那。回。雞。其。硬。非。凡。實。在。不。能。下。咽。只。賸。得。一。味。蝦。仁。這。是。我。們。最。馳。名。的。東。西。一。定。是。美。不。可。言。的。誰。知。吃。到。口。中。雖。是。有。些。味。兒。但。是。炒。蝦。仁。到。太。過。火。了。也。就。覺。得。無。甚。可。吃。那。時。五。族。共。和。的。滋。味。一。一。領。略。過。了。不。管。他。好。吃。不。好。吃。名。目。總。算。是。好。聽。的。連。忙。到。櫃。上。算。賬。那。知。菜。雖。不。佳。價。錢。却。非。常。之。貴。到。此。祇。好。盡。些。義。務。不。能。與。他。計。較。忽。忽。還。了。菜。錢。出。得。店。門。就。將。滑稽。文。章。的。稿。子。送。到。一。家。書。坊。裏。請。他。刷。印。起。來。小。子。也。就。坐。了。火。車。回。家。每。日。裏。仍。舊。是。濁。釀。三。杯。淡。蔬。幾。味。最。妙。的。慈。母。斷。葱。識。性。老。妻。藏。酒。待。需。兄。弟。小。酌。談。心。兒。女。含。飴。嬉。戲。一。家。中。倒。還。有。些。共。和。氣。象。這。不。是。共。和。國。民。真。真。幸。福。麼。小。子。吃。到。得。意。忘。形。的。時。候。就。拿。着。一。枝。禿。筆。醉。態。模。糊。的。學。那。時。髦。派。頭。寫。上。兩。句。頌。詞。說。是。共。和。萬。歲。滑。稽。雜。志。萬。歲。民。國。二。年。十。二。月。雲。間。顛。公。

最新滑稽雜誌目錄

(一) 滑稽論說

中華民國之狀態(集新名詞)

男子生鬚女子無鬚之研究

姦非罪之研究與男女平等之關係

重徵麻雀牌稅議

議場改良器具說

一團和氣術

(二) 滑稽命令

烏托邦臨時大總統軒轅氏命令

妓院逢節逼客擺酒香諭(仿專制皇帝上諭體)

(三) 滑稽奏摺

閻羅王爲陽間官吏擅毀王宮上玉帝奏摺

保安司徒爲報館損害名譽上玉帝奏摺

(四)滑稽電報

雷公電母辭職電

電母致電學博士電

電學博士覆電

南京城隍致閻王電

閻羅王致觀音菩薩電

觀音菩薩覆電

財神致灶君電

灶君覆財神電

剪刀會宣佈辮子罪狀通電

辮子致剪刀會電

上海妓界呈大總統電



無線專電彙錄

(五)滑稽公牘

某縣民呈縣知事文

勞働社會呈自由神文

烟鬼擬呈政府文

擬取締各報登載訕辱官場示

擬租界收房租人告示(仿官場六言韻示體)

擬嫖界大王禁止滑頭漂賬告示

擬弛禁全國鴉片煙示

擬開台基老嫗密札蕩婦文(仿前清官場札文)

擬某學生尋文憑賞格

擬嚴拿攫婦女首飾流氓賞格

擬妓傭緝捕漂賬客人信票(仿前清官場信票式)

惡鴇凌虐妓女判詞

擬徐仲魯判詞

莊鏡蓉圖奸不遂勒斃子媳案判詞

琴姬訴冤判詞

夏姬控周孔抑壓女權狀詞

(六) 稽稽文

檄

討蟻媒檄

討臭蟲檄

啓

募修五臟神殿啓

泥頭木偶擬設維持神安會啓

組織吼獅公會啓



創辦大疑團緣起

傳

報館記者傳(仿陶淵明五柳先生傳)

蟬遊都督傳

嗚呼先生傳

孔方兄傳

段莫君傳

大炮友傳

記

洙泗共和國開幕記

孔門運動記

四大鑽家開研究大會記

囊橐送行記

蟲官記

危樓記

祝融氏遊上海四馬路記

滑稽折獄記(一)

滑稽折獄記(二)

滑稽訴訟記

策

中國新理財策

民國救窮策

特別籌捐策

書函

烏託邦委任教育部孔總長辭職書

某議員辭職書

土木偶像要求舉代議士書

雞族求免閹割慘禍呈衆議院請願書

組織歡迎新財神會宣言書

乞丐團組織均產會宣言書

女界改公僕爲婆僕宣言書

木梳竹櫛訴冤書

專制與共和書

共和覆專制書

詰問孔方兄絕交書

窮漢與典當朝奉書

債主新年致負債者書

負債者新年覆債主書

政界勸報館勿載官場冶遊事書

鴉片煙答吸煙者書

致上海體面南人書（仿前清官場書啓式）

致童劉許三君書（集曲牌名）

章程

組織廢民會簡章

吸煙黨簡章

吹拍社簡章

中華民國女子拒夫黨簡章

中華民國抗妻會簡章

防範男女學生研究所招考簡章

制藝

大律師 兩篇

馬桶臭

中年妾似方張寇

黨人堆作菊花山

於是伶界男女兩狀元俱出門下矣

小脚

雜體文

騙卦(仿易經)

飯卦(仿易經)

頌報館(仿易經繫辭)

報誓(仿書經秦誓)

嘲伶人小子和調戲觀劇婦女(仿書經集書經句)

嘲打野雞(仿毛詩集毛詩句)

弄獅解(仿韓昌黎獲麟解)

嘲滑稽大少吃雙擡(仿離騷體)

么二堂子喊移茶序(仿李白春夜宴桃李園序)

某檢察夜遊看守所序(仿李白春夜宴桃李園序)

賣枕者說(仿劉基賣柑者說)

小花園茶館銘(仿陋室銘)

賭台銘(仿陋室銘)

諷華人看跑馬(集千字文)

文明結婚賀聯(仿昆明湖大觀樓對聯)

求財疏(嵌戲目)

保險店鋪祭六路財神文

擬祭徐仲魯文

胡瑛一娶二美文

戲擬慰黨人失敗文(集敗黨名)

上海俗語詞典

綠帽考

麻雀學案

花界新律

儒夫擬借內債條款

么二妓院請吃菊花酒知單

擬妓院借山西人印子錢借券

國會訃文

(七)滑稽詩賦

賦

南方亂事賦(仿阿房宮賦)

革命賦

冒充女學生賦

古體詩



萬古愁曲

後數斗血歌

岳陽女兒行（仿洛陽女兒行）

醜人行（仿麗人行）

吃花酒（仿李白將進酒體）

詠坐汽車（仿李白行路難體）

錢歌

丐趣歌

上海著名食品歌

鬧吵吵歌

高領謠

跑快馬車曲

嘲戲館書場門口癡漢（仿樂府體）



詠西人救火（仿漢高帝大風歌）

嘲妓女砍斧頭（仿丁娘十索歌）

近體詩

詠昇平樓雉妓

嘲包飯作飯菜

諷某君運動市議員當選

觀方雲卿出喪

嘲妓女與妓傭同坐包車（疊字詩）

詠廣東館吃宵夜（仿白香山不如來飲酒）

詠新人物

讀羅馬史（嵌商務書館出版小說名）

讀瀛寰志（嵌商務書館出版小說名）

無題（嵌商務書館出版小說名）

詠學(嵌商務書館出版小說名)

觀賈璧雲演棒打薄情郎索詩口占

新上海竹枝詞

詠上海之車

十憶詩(嵌新小說書名)

詠婦女赴書場聽書

詠上海縲絲廠女工

諷吃鴉片烟

嘲露天通事(嵌洋涇浜外國語)

嘲婦女帶珠項圈(仿轆轤體詩)

雜體詩

憫雛妓學習彈唱(六言詩)

嘲婦女圈頸(九言詩)

蘇州閶門馬路雜詠(十六字詩)

詠共和現象(十七字詩)

詠捕房捉狗(十七字詩)

嘲嫖客(寶塔詩)

嘲賭徒(寶塔詩)

嘲烟鬼(寶塔詩)

嘲長三妓(寶塔詩)

嘲么二妓(寶塔詩)

嘲野鷄妓(寶塔詩)

嘲花烟間妓(寶塔詩)

嘲妓女過節(寶塔詩)

嘲流氓搶物(寶塔詩)

嘲妓院滑頭客人(改字神童詩)

試帖詩

賦得叫化三年嬾做官

賦得好吃還是家常飯

賦得債多不愁

賦得一箇和尚挑水吃兩箇和尚擡水吃三箇和尚無水吃

賦得家賊難防

賦得圖便宜買老牛

賦得賊去纔關門

賦得情人眼裏出西施

賦得忍得一時之氣省得百日之憂

賦得做了一世鷓鴣被麻雀啄瞎眼睛

賦得有錢使得鬼推磨

賦得教會徒弟打師傅

賦得有福莫享盡有話莫講盡

賦得泥菩薩過河自身難保

賦得有借有還再借不難

賦得又要馬兒跑得好又要馬兒不吃草

賦得明日戒酒

賦得山中無老虎猴子稱大王

賦得賣菜人吃黃葉

賦得茅廁裏的石頭又臭又硬

賦得睡著老虎不要驚醒他

賦驚是非終日有不聽自然無

賦得莫罵西時妻

賦得又麻雀得又字五言八韻

三百六十行營業謠

調獅子

木人戲

骰子灘

套扞子

賣拳

變戲法

做隔壁戲

唱小曲

做影戲

賣野人頭

說露天書

耍貨攤

吹糖人

捏粉孩

獵戶

漁戶

茶博士

酒堂倌

裝自來火

修電線

電車司機人

馬車夫

郵政局信夫

碼頭挑夫

東洋車夫

小車夫

垃圾夫

挑灰

轎夫

渡船夫

縫窮婆

收生婆

土作

走方郎中

梳頭傭

揀湖絲女

揀茶葉女

鑲牙齒

推驚媪



賣珠寶婦女

收火油箱

收舊貨

收紙錠灰

收蠟燭油

收有字紙

拾荒

裝佛匠

刻竹匠

石匠

船匠

彈棉花

打鐵匠

糊裱匠

成衣匠

方作匠

圓竹匠

泥水匠

木匠

雕花匠

刻字匠

毛毛匠

踏布匠

紙紮匠

糊匣子

紅坊司

皮匠

煎膏滋藥司

缸蟄担

磁器攤

銅匠担

錫作担

羊肉担

豬頭肉攤

叫哥哥担

螂兒攤

畫小照

寫牆字

摺書

釘書

排字

印書

賣朝報

賣山歌書

扞脚

賣花紅

賣柿子

賣茨菇

賣荸薺

賣水紅菱

賣波羅蜜

賣橄欖

賣文旦

賣香蕉

賣生梨

賣西瓜

賣藕

賣糖炒栗子

賣熱白果

賣米花球

賣油炸檜

賣香脆餅

賣香瓜子

賣發芽豆

賣焗熟藕

賣碗裏糕

賣臭豆腐乾

賣葇豆湯

賣糖糕

賣糖粥

賣重陽糕

切水笋

烘山芋

換糖担

賣五香豆

賣醃金花菜

賣餛飩

賣拌麵

賣糖芋艿

賣雪裏蕪

賣乳腐

賣麻油

賣豆腐

賣紅蘿蔔

賣水蘿蔔

賣冬瓜

賣新薑

賣菜

賣胡葱

賣蛋

賣甲魚

賣蟹

賣蝦

賣牛乳

賣馬乳

摸螺螄

賣水菜

夾硯子

釣鰻鯉

修缸補裳

箍桶

結網套

做胭脂

飽旱烟



車玉器

做竹簾

打金箔

做綳髹

織帶

做風箱

做竹箱

做棺頭

車木桿

做水烟筒

做旱烟筒

打絲線

織布

打銅箍

拈金線

揀羊毛

磨麻油

做塌餅

紮草氈

鑿紙錢

切白紙

研錫箔

搗姜黃

磨豆腐

做燭芯

做燈籠

做銅鎖

洋鐵匠

做斛子

釘秤

刷帽子

織補衣裳

剪襪底

紮鞋底

打筴

鉋方磚

做板箱

做墨

做硯子

做笆斗

做飯籬

做東洋車

做江北車

賣簾

修洋傘

賣水磨篾

賣帽刷

賣蘆花鞞

賣雞毛帚

賣掃帚

賣洋布

賣線襪

賣茶壺桶拜墊

賣腳爐窠草窠

賣甯布腳帶

賣包脚布

鑄鑊子

賣砧礮

做雨傘

做皮鞋

賣考籃

做提籃

賣廣東鮑花

賣髮子

賣花帶

賣搔背扒

賣拂塵

賣洋翡翠首飾

賣眼鏡

賣洗帚

賣銅杓鏟刀

賣燈草

舊衣攤

賣女鞋子

紮珠花

包金法藍

賣紙花

賣花

揀雞毛

剝繭子

淘沙

挑水

燒鹽

打米

挑糞

牽礮

做香

澆燭

切麵

敲胡桃肉

剪桂圓

煎膏葯肉

踏麵筋

磨坊司

殺牛

殺豬

賣檀香

賣香斗

相面

隔夜數

虱笞

脚牌算命

關亡

算命



測字

起課

賣香燭

賣長錠

辰洲符

賣老鼠藥

打印子錢

念三官經

新風俗通

東山老虎也吃人西山老虎也吃人

關老爺賣馬周倉勿畫押

眼弗見爲淨

三腳貓

肚皮裏吃門門

若要好大做小

攢天打洞

上梁勿正下參差

養媳婦作媒

拆穿西洋鏡

在生買點爹娘吃寒食清明上倍攻

一箇和尚挑水吃二箇和尚扛水吃三箇和尚無水吃

黃髭狼躲拉雞棚上

坐仔放債跪仔討債

望天討價着地還錢

越是公婆勿歡喜越要公婆面前撒臭屁

棺材裏伸隻手

花弗撩水弗動

一交舫斗跌到青雲裏

跪踏板

閻羅王開酒店

師姑養兒子

急來抱佛脚

門角落裏諸葛亮

坐得正立得穩勿怕和尚道士合板凳

吃糧勿管事

叫化大親家

牆倒衆人推

做天難做四月天

家花那有野花香

自尿勿覺臭

家雞打得團團轉野雞打得着天飛

最毒婦人心

心肝脾肺腎問也無人問心肝脾肺腎賺仔一手好銅錢

六十歲公公學打拳

忤逆勿天打一代還一代

門前大樹好遮陰

打呵欠割舌頭

爺有娘有勿如自有家主婆有還要房門口守

打狗要看主人面

扒得高跌得重

拌死吃河豚

上廟勿見土地

造屋請仔箍桶匠

立馬造橋

窮算命富燒香

偷食貓兒心勿改

殺脫和尚剃仔頭髮抵命

善門難開

貪強買得豬婆肉

出門常帶小雞錢

亦做師娘亦做鬼

時來運來討家婆帶過子來

老虎頭上拍蒼蠅

六月裏吃生薑

(八)滑稽詞

詠租界冬令火災之多（仿喝火令詞調）

嘲男女喜鑲金牙齒（仿浣溪沙詞調）

嘲婦女在沿銜洋台閒眺（仿高陽台詞調）

嘲捕房押犯穿鴛鴦衣褲（仿淒涼犯詞調）

嘲婦女小孩吃香烟（仿西江月詞調）

嘲年終做押款（仿西江月詞調）

詠巡捕驅逐沿街小販（仿浪淘沙詞調）

詠男女懸鈕子鮮花（仿一剪梅詞調）

諷遊夜花園（仿一剪梅詞調）

詠妓女贈客小照（仿相見歡詞調）

嘲年節親友送禮（仿送入我門來詞調）

嘲娶妾（仿賀新郎詞調）

嘲婦女乘腳踏車（仿踏莎行詞調）

嘲妓院邀客吃司菜(仿醉花間詞調)

嘲妓女送客(仿阮郎歸詞調)

嘲小洋店帶賣春藥(仿巫山一段雲詞調)

嘲老婦豔妝(仿長命女詞調)

嘲婦女穿滾邊馬甲(仿菩薩蠻詞調)

嘲妓女披斗篷(仿虞美人詞調)

嘲婦女冬令穿靴仿步步嬌詞調

嘲私娼冒充公館(仿十六字令詞調)

嘲包車出風頭(仿望江南詞調)

嘲私塾蒙師(仿師師令詞調)

(九)滑稽歌曲

國慶節(仿攤簧調)

勸剪辮(仿攤簧調)

諷又麻雀(仿攤簧調)

火燒四馬路(仿攤簧調)

做影戲(仿五更調)

勸戒吸香烟(仿五更調)

嘲花烟間(仿揚州五更調)

嘲婦女上街手携小皮袋(仿十把扇小曲調)

嘲巡捕押同竊賊吊賊(仿十送郎小曲調)

嘲闊客穿翻毛馬褂(仿十件馬褂小曲調)

嘲婦女帶金絲眼鏡(仿上海碼頭調)

嘲妓傭與恩客借小房子(仿東鄉調)

嘲妓院起手巾(仿鳳陽調)

嘲巡捕嚇逃雉妓(仿京腔四平調)

嘲年終戲園案目拉局(仿笛腔四平調)



嘲公堂上拆姘頭(仿躡踢婆娘調)

嘲租界上沿路小便被拘(仿哈哈調)

巡捕捉快馬車(仿鮮花調)

嘲騙子擲包串詐(仿大鼓兒調)

詠妓女拍照(仿四季想思調)

放足樂(仿梳妝台小曲調)

吃坑茶(仿十二箇月采茶山歌調)

嘲流氓調戲湖絲阿姐(仿四句頭山歌調)

嘲小熱昏(仿小熱昏調)

嘲冬令番菜館(仿一月茶館冷冷清清童歌)

詠散戲館(仿京調)(集戲名)

嘲滑頭店(仿湘江浪小曲調)

嘲婦女寒天帶臂籠(仿湘江浪小曲調)

詠女書場(仿馬調開篇)

吃香烟(仿俞調開篇)

嘲婦女赴宴(仿唱道情調)

送寵曲(仿唱道情調)

嘲客棧夥上輪接客(仿江兒水曲調)

傷奴隸(仿歎骷髏調)

新閨中十二曲

(十)滑稽小說

巴老爹

白螞蟻

一元之遊上海

楮先生

小菜場買物

女學生

豬八戒

夢中招婿

議員禁娼

牛女下凡

施公廟

(十一)滑稽雜俎

吾有三大願

男女平權

九流人物之翻新

組織滑稽內閣

新坼字術五則

鄉下人勿識

吳諺隱語

滑稽新廣告八則

劇名分字錄

急口令三則

婦人腥具一眼鬼醜

同年同寅之新補釋

有其說無其事之蘇諺

滑童子

改良大人老爺

新像形字

中國人可有可無

理外理

上海之吃

上海之多

新歷法

選舉新義

共和新酒令

七支八搭


遊戲問答 二十五則

滑稽詩話 十六則

滑稽聯話 三十三則

滑稽詞話 七則

巧對錄



# 最新滑稽雜誌卷一

雲間顛公編輯

## 中華民國之狀態（集新名詞）

斧風

中華民國之狀態。果若何哉。政治之方針未定。社會腐敗。經濟不發達。教育實業諸問題。法律行政諸手續。與夫預算決算警察國籍國債以及外交條約民法刑法公法私法出廷狀引渡條例皆未完全代議士毫無宗旨。唯以金錢主義爲目的。中華民國之憲法爲成文法耶。爲不成文法耶。果中央集權耶。抑地方分權耶。皆國民心理上所希望而未成立者也。而政客拘泥黨見。不以政治爲前提。以致宣布共和以來。政治未嘗進步。國民之人格日卑。噫。共和之大舞臺上。乃不能現一大政劇。以供世界大政治家一研究乎。至若熱血者流。則以鐵血爲主義。以二次革命爲手段。演說也。鼓吹運動也。非至演成流血之慘劇不止。於是國民之眞自由眞幸福皆消滅矣。文明不得進步。民生不得發達。卽商務實業金融機關亦莫不直接間接受其影響。噫。中華民國之狀態而若是也。吾且抱厭世主義矣。



## 男子生鬚女子無鬚之研究

動物之下等者。雄者均有悅雌性。而雌者無悅雄性。若高等動物。則雄固有悅雌性。而雌亦有悅雄性也。至於人類。則雌之悅雄性。勝於雄之悅雌性。所謂悅雌性。悅雄性者。其取悅之法。或以鳴。或以色。鬚之生於人類之面。實足增容貌之醜。故推測始有人類之時。女子非本無鬚。以女子有悅雄性。惡鬚之損其美。而薙之。久而久之。則女子之面部。遂非鬚之繁殖地。而有今日濯濯之狀也。難者曰。子之言恟恍而無稽。欲人之信而無惑也。難矣。應之曰。余非欺人之人。余言非欺人之言。請坐吾語汝。據宋徽宗時。酒家婦朱氏。年四十。忽然生鬚六七寸。此所謂忽然者。非頃刻之謂也。推其所以生鬚之原因。以女子昔本有鬚。後因退化。而至於無。該婦之忽然生鬚。卽近今科學家所謂遺傳性之發現。遺傳性之意義。須看廣。不可拘於父傳子子傳孫之狹義。卽就近日之婦女觀察之。其上下唇之汗毛。必略長於面部之汗毛。一日余偶游街布。見一年未及笄之處女。其上下唇之汗毛。較之二十左右之男子尤黑。可知女子之鬚。今雖退化。而鬚之形跡。尙在。又今日德國婦女之生鬚者。極多。究



其所以今日猶能生鬚之原因。以德國在今日雖爲文明之國。而亦文明諸國中之開化最遲之國。當其未開化時。彼邦婦女無美惡之念。豈獨於鬚而生厭惡之心乎。逮開化後。彼邦婦女之於鬚。其感情諒不甚佳。與世界婦女共表同情。此德之婦女所以今日猶能生鬚者也。由上言之。則今日男子之有鬚。與女子之無鬚。何足怪哉。

### 姦非罪之研究與男女平等之關係

吳大

余之主張男女平等。不自近今始也。武漢起義。民國肇興。而數千年之帝制。遂一瞑而不復視。男女平等之理想。必隨國體之變革。而見諸實行。此固吾最親愛之男女同胞所馨香求而舉踵俟者矣。然余讀暫行刑律姦非罪一章。忽有至糾葛不可解之問題。奔湊於余腦。如鯁在喉。一吐爲快。願與吾最親愛之男女同胞一商榷焉。非姦罪大別爲二種。一強姦。二和姦。暫行刑律第二八五條。規定強姦罪。必以婦女爲被害者。而男子爲加害者。以理想言。婦女似亦可強姦男子。然爲事實所不有。何也。生理上之作用。異也。至和姦。又分二種。一有夫姦。二無夫姦。無夫姦本律不認爲犯罪行爲。以是爲道德上之問題。非刑法之效力所能及也。然以平等之理。衡之。實亦

不能一貫。試舉其理由於左。第二八九條和姦有夫婦者處其某和姦云者。必出於男女雙方之同意。無加害被害之可言。和姦有夫之婦云者。無異云和姦有婦之夫。此理論上不可違之例也。而本律隱然視婦女爲被害之一方。故以告訴之權附與於姦婦之本夫（一九四條）而彼方姦夫之本婦何以無訴權不可解也。依本律之規定。是立法者必以婦爲夫之所有物矣。其違反於平等之義。殆不可以道里計矣。無夫姦既不爲罪。無妻姦亦不能爲罪。何也。男子若通無夫寡居之婦及未婚之女。刑法上視爲放任之行爲。而女子姦通鰥居之士及未婚之男。刑法上何以視爲當干涉之行爲不可解也。依本律之規定。是立法者視無夫之婦女爲無主物矣。其違反於平等之義。殆不可以道里計矣。無夫姦不爲罪。則和姦有夫之婦亦不爲罪。何以故此方爲有夫姦。彼方或爲無妻姦。是故刑法上苟認和姦爲有罪。則有夫無夫之女子與有妻無妻之男子苟相姦。必皆爲刑法上所不許而不然者。於男女平等之義。殊無當也。而不幸暫行刑律之條文。乃適與吾理想不一貫。噫。果刑律之過歟。抑余理想之謬歟。吾無以決也。吾親愛之男女同胞。試下一轉語來。

# 重徵麻雀牌稅議

無名

今日麻雀牌之戲盛行於社會嗜之者往往沉溺不返廢弛公事政界之中其毒者尤甚論者謂宜禁絕之或有人謂各項賭博均不肯禁而獨禁麻雀牌是卽孟子所謂放飯流啜而問無齒決是之謂不知務也記曰弛而不張文武不能一張一弛文武之道社會上執業之人勤劬於業務無所藉焉以爲游息之具亦非人道之所宜但不可過於沉溺且宜加以限制耳故凡消費場中如酒樓女閩俱樂部之屬必其人當餘閒之時始履其地烏可禁之以阻人清興耶若夫辦公之衙署執業之場所與政治業務大有關係應懸爲厲禁以杜絕紛擾此誠不可以一概論也且今日因財政困迫抽及苛細而獨於麻雀牌等項未嘗徵稅一任人民之自由製造自由買賣當局者乏財政之常識亦可見矣今攷諸各國對於游戲玩具其性質與中國麻雀牌同者莫不重徵其稅謂之骨牌稅爲收入之一大宗試略舉如下

英國之骨牌稅 英國於約翰一世時曾徵骨牌稅其後經數回之變異現時英國之骨牌稅法分爲兩種一免許稅凡以製造骨牌營業者須納一定之免許稅於國

家（每年一金磅）始得爲之。二。檢印稅。每製成骨牌一副。納三辨士之檢印稅。從法律規定。而輸出外國者。檢印稅豁免。

法·國·之·骨·牌·稅。法蘭西自路易十四世時。創設骨牌稅。至一千七百九十一年列入間接稅中。未幾廢止之。至一千七百九十七年。復施骨牌檢印稅。其後至一千八百七十三年。經五次之改訂。此稅益復推行。現時之稅法。凡骨牌一副。製自國內人者。課以五十生的之檢印稅。製自外國人者。課以七十生的之檢印稅。免許稅則課以百二十五法郎。輸向外國者免其稅。

德·國·之·骨·牌·稅。德國各聯邦。於未統一以前。多有徵骨牌稅者。統一帝國以後。於一千八百七十八年。此稅遍及於國中。其稅法凡一副三十六枚者。課三十辨尼。一副超過三十六枚者。課五十辨尼。無論內國外國人製者。稅率同一。但祇通過於國境者。免其稅。惟骨牌之製造。限於關稅署收稅署及國家許可之工場。始得爲之。至於美國。則視骨牌之價格而異其稅率。

日·本·現·亦·施·行·骨·牌·稅。

准此以觀。則今日若重徵麻雀牌稅於財政上之收入。必得鉅款。可無疑也。其稅法亦可做照外國。凡製麻雀牌之商店。每年納若干稅於國家。始得爲之。又每副售出。另納檢印稅。此種稅率不妨略重。麻雀牌一副值銀五元。應納檢印稅五元。不爲過也。

### 議場改良器具說

笑 僂

民國成立以來。尊崇議員。以代表民意。自京師以迄各省市鄉。咸出有代議士。爲立法機關之主體。其形式不可謂不文明矣。然其議場種種怪狀。殊難盡述。有爲吾人所目擊。亦有爲吾人所耳聞者。謹酌擬改良數事。以補章程所不及。

一。頒發議錘。議董兩會。均刊有圖記。然區區木戳。除文牘紙片而外。無絲毫之効力。萬一議場爭戰陡起。風潮犬吠。鷄鳴。囂囂不已。雖議長擲碎警鈴。亦不能令其沈默。將用何策以懲治之。查巡士有警棍。學堂有教鞭。可仿此法。呈請內務部監鑄鐵質。徑一尺重十斤之議錘。頒給各議長。祇領遇有議員固執不聽呼喝者。准卽使用。如敢反抗格殺。勿論議長改選時。此錘與圖記一併列冊交代。以昭鄭重。

二。改辦睡椅。各處會議時間。規定下午二三四五時者居多。晝寢之習。賢者不免。况召集有身分之議員。研究無價值之議案。能弗昏昏就睡乎。而鐘點未至。呵欠先來。輾轉議席間。殊雖自忍。宜將議員坐橙一律改爲睡椅。排列廳上。悉任便宜。從事。既與周公有聚會之樂。復與邊老結瞌睡之緣。且一般癮君子。藉此逍遣。行見源源而來。省却許多。到不足額。依期廷會之手續。而成爲中國會場之特別專則。

三。安置便罐。議員一入會場。幾有畫地爲獄之苦。故在休憩室。必先充量啜茗。出。席未幾。數數小遺。聽之可厭。禁之不情。應收羅從前各州縣試院內。備與攷生之瓦料便罐。每員分給一枚。安置足下。如酒杯自取之慣例。廢物既能利用。積潦亦可注。茲未始非自治經費。臨時收入項下之一宗肥金也。

四。分給賑糕。科舉時代。各州縣考試。繳卷最早者。賞予紅紙糕一包。議員赴會。枵腹而談。精力幾何其能堪。此擬每會。購贈狀元糕。太史餅。數事。用五彩精紙包裹。整齊。俟入座後。按名核發。且食且議。倘有愛不忍食。自願携回者。議長及庶務員不得留難。分潤庶足以廣招徠。而供饒物。



一團和氣術

木雞

處世之道。言語最難。所謂口者禍之門也。故特撰一團和氣術。使交際界上不致受人厭惡。亦處世之妙訣也。

見了負債之人說這就是你人太老實了。所以被人家欺騙。強把錢借給你。照我的意思看來你雖是有錢也不合算。還他你就是擔着負債之名也沒有什麼不體面。別說是我們小百姓就是國家也要借外債咧。

見了癩痢頭說俗語道宰相頭上光禿禿你看地球上的文明國男子都沒長髮的。印度朝鮮等長髮國已亡了。到底是老先生開化早。三十年前已把辮子剪去。與前年光復時剪辮的人比起來老兄真是開始的元祖了。并且省了剪髮錢。豈不上算呢。

見了無職業之人說不是你財產充足那肯在家坐吸呢。你別瞞我。我原曉得你是天天在家中算帳。我何等羨慕。你閒來買買小菜抱抱孩子。可以省用兩個女僕。若在外面做生意。吸人家的飯何等苦楚。樣樣受人節制。絲毫不能自由。常言道不自

由母甯死好好一個人。怎麼走刑死路上去呢。

見了犯罪之人說。近年來房價昂貴。上海的減租還屬問題。老兄在監牢裏有吸有住。自己不必籌劃。豈非幸事。前天有人定了三年長監。還怨着日期太短。老兄十年長監。總算祖上陰功積德。再登幾年中國監獄改良起來。也要仿着外國監牢裏要造花園。裝電燈。咧。若叫我坐起監牢來。起碼要要求二十年。可以在裏面享享福。我們家裏那能有花園有電燈呢。

### 烏托邦臨時大總統軒轅氏命令

太疲

教育總長孔丘呈請辭職。當茲國基甫定。經緯萬端。教育一席。尤關重要。前經本大總統委任孔丘爲教育總長。量材授職。爲地擇人。協贊新猷。用資輔弼。雖該總長學術淵博。本非教育一事可限。然當日木鐸空懸。杏壇設教。備備善誘。兀兀窮年。爲列邦培有用之人才。爲東魯作無形之匡救。緇帷雨化。澤及四荒。洙泗風生。化被百世。該總長既稱時中之聖。必係識透時務。卑茲重任。藉展宏才。姬總理既道合志同。朱次長亦氣求聲應。交相助理。造福新國。正復不淺。固無黨派之嫌。自免傾軋之患。所



請應行辭職之處。着無庸議。至謂魯氛不靖。家室爲懷。已着山東都督田橫。妥善後事。宜不必過慮。防山修墓。自有伊孫。伋主持其事。該總長着迅卽來京到院就職。尙其顧念時艱。共扶國是。本大總統有厚望焉。此令。

妓院逢節逼客擺酒香諭（仿制皇帝上諭體）

漱石

十一月初九日。煖閣奉香諭。冬至爲大嚼令節。凡平日在院受恩人等。宜如何竭誠將事。以期無負栽培。乃竟有等不職之徒。或規避取巧。或肥遯鳴高。跡其怠忽。自安已屬情無可恕。况復慳吝成性。尤爲法所難寬。用特嚴申誥誡。爾等天良具在。應念入毛踐肚之恩。務宜各自輸將。切勿意存觀望。如有藉端規避。應由巡街女使一體拘交該院。責令加倍報効。毋任漏網。卽由該巡街女使將此通諭知之。卿此。

閻羅王爲陽間官吏擅毀王宮上玉帝奏摺

地府總制五殿閻羅王跪奏。爲大逆不道。擅毀王宮。懇恩派員澈查。以誅元兇。而安地府事。竊臣以陰濕微材。陰沈賤資。荷蒙聖朝知遇之恩。以臣世有陰功。擢授今職。每當陰雨晦明。陰自感念。常思竭其駑鈍。以報涓埃。到任以來。賴朝廷之恩威。魑魅

遯藏。魍魎斂迹。所屬地方。尙稱又安。竊以爲上宣德意。下靖機槍。長治久安之基。無過於此矣。豈料禍生不測。變出非常。陽間方建設。共和陰界竟忽遭荼毒。如近日所出。擅毀王宮一事。殊有非臣意料之所及者。臣所居高據地府左近。奈河橋右鄰。枉死城。歷任諸王。皆辦公於此。乃自某年以來。瓦脊屢見搖動。初擬建築。日久雨蝕風推。不免窳敗。當卽招匠估修。乃工尙未竣。而搖動如故。左右思維。不明所以。惟有晝夜督率工役。認真補修。不料某月某日。忽爾屋瓦洞穿。全殿傾塌。鬼頭鬼腦。損傷無數。壓死牛頭獄卒三百名。臣幸得判官援救。立刻掖出。幸免於難。而閻婆閻媳。閻子閻孫。已受驚不小矣。當事發之際。卽派兵截緝。首要然地府上下。皆異常靜謐。毫無形迹之可疑。乃派員再四訪查。上窮碧落下搜黃泉。始知王殿傾塌。實因陽間剗地皮之輩。故事深求。剗之不已。遂至洞穿。臣瓦而不顧。實亙古以來未有之兇殘。律以大逆不道之罪。應無可貸。但此輩剗地皮者。多陽間貴官。且兇犯太多。不能一一指拿。而其性質。又非活無常所能恐嚇。不能不籲懇天恩。派員澈查。分別首從。悉與嚴誅。倘蒙俞允。則地方賴安。而一般之鬼王。亦感聖恩於靡旣矣。所有陽間官吏。毀拆

王宮緣由。理合恭摺具陳。伏乞大帝聖鑒。謹奏。

保安司徒爲報館損害名譽上玉帝奏摺

元俊

奏爲報館議論不公。有損名譽。請旨飭部取締。以肅報律。而昭平允。恭摺仰祈聖鑒。事。竊維報館。有言論之責。清議所以達羣情。訪員具博探之權。投稿非以作威福。臣奉簡中江。任事以來。保障地方人民。未敢稍曠厥職。以副我皇上慎重神權之至意。自天歷甲子年。三月。西方觀音大士附設行轅。之後。管理長三么二野雞花烟間。私門子各營業事宜。一經訴求。到轅。臣無不立時施行。俾令各如其願。因此公務尤繁。遵奉大士命令。多飭鬼卒。各處兜拿。嫖界中人。務使入各妓院。迷陣永遠。不令回頭。蓋金錢既能流通。則與洋場商務前途。關係實匪淺鮮。查南京路地方。係屬工部局範圍。西人尙不顧問。不意報館妄發議論。借破除迷信。掃除污點等。正大之辭。欲將臣體焚毀。轅署充公。設立陳列所等語。實屬詆毀名譽。謠惑人心。若不嚴加取締。何以儆妄論。而保神權。爲此恭摺具陳。是否有當。伏乞皇上聖鑒諭示施行。謹奏。

雷公電母辭職電

楚兩

雷電不德。遽遭世變。曩日霹靂。足可恫嚇奸邪。今迷信既破。羣知雷電無能爲力。且民國手槍炸彈。暗殺之風甚熾。雷霆霹靂。更何能示威於若輩。兼之各處沾染歐美風氣。或貫電氣以爲燈。或接電線而通活。人民視電如奴隸。種種虐待。實屬難堪。又况世界黑暗。即使雷聲震響。電影光明。而人民猶酣睡如故。以故臣等力竭聲嘶。仍不克報命於萬一。如蒙玉帝垂憐。准予辭職。雷電幸甚。

### 電母致電學博士

顛公

電學博士尊鑒。老婦向佐雷公施霹靂之威。普光明之照。神權高握。從無人敢侵我自由。乃自閣下發明電學。有種種之功用。於是製電車以捷往來。立電線以神消息。設電箱以治疾病。其他各種製造。亦無不藉電力爲運動之機。談科學者。遂謂二十世紀將由機器世界進而爲電學世界。老婦何辜。何堪無夜無明。爲全地球人類効馳驅之用。且雨師風伯。皆列職天曹。優遊自在。不聞閣下有術以驅使之。獨欺老婦年邁。女流。橫加驅策。文明國人。常以自由平等爲口頭禪。而獨施之於老婦者。一反其平日之所言。母乃太無恕道乎。謹呈數語。藉鳴不平。區區之誠。維希諒察。電母

寒

電學博士覆電

顯公

電母鑒。寒電讀悉。世界進化。神道退處。無權此天演之公理也。况電學經僕發明。而全世界人類始知。母具非常偉大之能力。昔人謂萬物以見用於人爲貴。母之得以受科學家之歡迎。享世界上之榮譽者。僕實與有力焉。至於涉漠之地。藉機器以致雨炎暑之天。用輪軸以鼓風。小試其端。未嘗無效。他日科學日見精進。要知更無駕馭日月。驅策風霆之手段。以繼其後也。聊抒鄙臆。毋再不平。幸甚。電學博士敬覆刪。

南京城隍致閻王電

閻王鑒。竊臣奉命爲金陵城隍以來。謹慎職務。對於陽國革命。從未敢阻撓一言。不意清明日。突來軍人將臣身拳打足踢。任意蹂躪。狼狽情形。不堪言狀。尤以臣妻受辱特甚。當時以來勢洶湧。不敢抵抗。伏思閻王掌一國之權衡。臣之辱亦卽王之辱也。若不嚴重向之交涉。實與神體攸關。至若因伊人民迷信。更不當謀害臣身。蓋信教自由。已載之約法。勸之猶不可。况燬臣乎。於鬼道大不合也。且方今共和成立。人

鬼亦當和洽。不意發現此種舉動。大悖鬼道。茲將受辱情形電呈。并祈從速電陽國交涉。賠償損失。發還衙署。以全國體。不勝迫切待命之至。再臣自被毀後。衙署又爲佔據。今至上海就醫傷患。附聞南京城隍自上海發東。

### 閩羅王致觀音菩薩電

萬急。南海觀音菩薩鑒。自前年陽間革命黨起事後。刻下陰界相繼響應。自昨日起。徐錫麟督領萬人圍攻鬼門關。吳祿貞在孟婆莊畔駐有數營糧充餉實機關砲尤多。今晨望鄉臺已被鄒容一軍奪去。據探密告海軍由血汚池上駛涑河橋又被斬斷。汽車不通。經派牛頭馬面帶領神兵鬼卒往截海軍來路。以便迎頭痛擊。一面由恩銘督不成鎮掩襲其後。幸敵艦尙少。或可無虞。惟惡狗村砲火不絕。哭聲載道。慘不忍聞。已委良弼盡遣烟鎗隊急向剝皮亭進發。得探報駭悉弼中流彈而死。其部下皆因烟癮發作無心戀戰。致惡狗村一帶爲該黨所有。現汁點鬼壇上只得兵士半百餘人。勢難調撥。而鬼門關之圍未解。危在旦夕。乞俯念鬼命速發疲兵救援。如何出奇制勝之處。並希迅示機宜。不勝迫切待命之至。閩陰印。無日發。



觀音菩薩覆電

閻羅老子鑒陰電悉。敝處存兵不多。僅有哪咤太子一軍。聊以固吾圉而已。貴界革命。無論爲種族爲政治。其目的所在。大約欲得公之大位爲近竊意。與其兩軍相攻。靈魂塗炭。勝負不分。息戰無日。究不如速派代表與革軍議和。早下遜位之詔。不以王位爲一己之私有。而示地下。以大公將來革軍優待條件。必能援照中華民國歲交大清皇帝四百萬兩之例。以多數冥鏹紙錢。任公享用也。清鑒不遠。乞公其審擇。決行菩薩覆。

財神致灶君電

南方翔

大灶小灶長灶短灶以及灶夫灶婦灶子灶孫等均鑒。前日駕返天上。弟等未曾開會歡迎。良用歎歎。今屈指諸君行期已迫。敢貢一言。幸垂鑒焉。竊維無量神佛之中。最受下界之尊敬者。自以弟等與諸君爲首。屈一指。然以弟等與相君相較。則似有苦樂天淵之判焉。夫世人之處諸君也。必在君子所遠之庖廚中。終日在灶上燒魚燒肉。諸君不過吞其熱氣。從無一爨之相貽。且誣諸君以不食葷腥。以飽彼自己之。



口腹諸君之涎沫得無滴滴下乎不但此也諸君自貼烟凶每當一日三餐之際其痛苦諒必不減商紂所設炮烙之刑者世人如此虐待諸君不知諸君何以竟甘任受而且願爲其一家之主也若回顧世人待弟等之優厚座位必設於廳堂款待必用三牲美酒等物主人且衣冠而行禮不敢稍忽諸君其亦不平於心而思所以對付之方乎弟等念同僚之情爰合辭忠告幸弗以得過且過爲得計也東南西北中五路財神同叩。

灶君覆財神電

南方翔

東路南路西路北路中路財神公鑒來電敬悉自王孫賈之後世人媚灶之禮日薄一日浸假至今日誠有如來電所云者然僕等宅心長厚雅不欲以怨報怨故當每年回奏天庭之日雖口爲元寶糖膠住而仍守大舜隱惡揚善之宗旨從不將一家之惡事上達帝前及苦愬虐待情形至於公等備受世人之優待今日又爲公等生日世人又將家家戶戶歡迎公等矣然試思世人所以優待公等者果何爲乎蓋原欲求達發財之目的耳而不謂公等竟受之而不報致使我中國日貧一日上下交

困。揆。厥。原。因。未。始。非。公。等。之。咎。也。且。公。等。而。竟。不。助。人。發。財。也。則。亦。已。耳。何。以。於。優。待。公。等。之。華。人。則。坐。視。成。敗。而。於。絕。不。敬。公。等。之。西。人。則。反。竭。力。以。助。其。發。財。不。識。公。等。是。何。居。心。耶。諺。云。吃。東。鄰。謝。西。壁。者。真。公。等。之。謂。矣。是。非。顛。倒。至。於。如。此。行。見。我。華。人。一。旦。恍。然。大。悟。其。所。以。虐。待。公。等。者。將。有。甚。於。僕。等。耳。公。等。不。知。自。危。而。反。以。笑。人。則。公。等。之。淘。汰。必。在。僕。等。之。先。矣。敢。布。腹。心。伏。維。圖。之。大。灶。小。灶。長。灶。短。灶。叩。

### 剪刀會宣佈辯子罪狀通電

各省剪刀剃刀軋刀諸總長公鑒。辯賊畏罪。匿跡遠鄉。今已逮捕多數罪犯。不日定可解到。查辯賊本滿州舊族。倚仗亡清權勢。到處擾累。其最大之罪。惡將工界中人。曳入機器中碾成肉漿。次則將乘車人拖倒。車輪大則傷身。小則流血。似此誘殺人民。屢次不一。其他爲虎作倀。幫同西捕捉獲華人。亦爲辱國之尤。前時遁跡日本。日本人呼爲豚尾奴。致留學生某君。氣憤自盡。凡此種種惡跡。均在不赦之例。合行宣佈罪狀。准於二十日內。將已獲之多數辯賊。予以應得之刑。除出示通告外。深恐羽

黨甚衆。逍遙法外。並乞一體嚴拏漏網。務求斬草除根而後已。特此電聞。剪刀會全體叩東。

外附通捕簡章十條

(一) 凡巨鎮大埠及交通要道。此等辦賊。斷不敢彰明較著。出頭露面。勢必匿跡於帽頂。隱身於髻上。且有易服僧道之裝。男變女。客之術。種種狡滑不一。而足捕之者。務宜細心察訪。庶免漏網之弊。

(二) 凡辦賊之運動得力。神通廣大。往往通同一班。頑固壽頭。死守陳見。四出煽惑。以致窩藏之人。徧地皆有。雖有嚴令而不知悔。宜懸重賞。重罰。曉以利害。以清流弊。

(三) 凡年過六十以上之人。足跡不出庭戶者。尤宜留意。深恐垂暮之年。易爲愚弄。彼辦賊以謂人不知鬼不覺。可以高枕無憂。故遇此等人。不得不嚴行盤詰。

(四) 凡乞丐一流。本爲極貧極苦之人。破衣齷齪。人不敢近。惟恐辦賊運動。此輩爲逋逃之藪。捕之者。切勿被他瞞過。以縱要犯。

(五) 凡兒童之年。正在遊嬉。無度之日。雖有錯事。人必念其小子無知。而不加罪。此

等。辦。賊。難。免。不。避。影。於。童。子。之。頭。捕。者。亦。宜。加。察。

(一) 凡有心疾狂病之人。本不在齊民之列。而於地方公益事件。亦不顧問。彼辦賊運動。此輩借其頭部。以避居計。亦甚善身。任捕辦之責者。務宜留意。

(二) 凡中國之大湖海。極多水濱。漁夫終年行於水上。以捕魚爲業。恐辦賊狡計。百出。逃匿水濱。避於漁人頭上。宜設水捕。詳加查察。

(一) 凡深山窮島。人跡罕到。打樵者以樵爲業。出沒於此。亦恐辦賊避在深山窮島之中。終身不露面目。宜設山捕。到處巡查。

(二) 凡窮鄉僻壤之農人。終歲勤動。不問世事。亦絕跡不到市鎮。而辦賊巧計。多方避於農家。亦所不免。宜治以應得之罪。使不敢藏匿。

(一) 凡四面八方。天羅地網。嚴拏之令。急如星火。彼辦賊惡貫盈滿。雖求偷生於世界。逃生於宇宙。難矣。斬草除根。爲民除害。務求盡淨。而後已。

### 辦子致剪刀會電

剪刀會諸剪刀公鑒。頃悉公等通電各省。宣布我輩罪狀。於是知貴會創立。專與我

輩爲難。并又發捕章十條。貴會所以欲絕滅辦種。思想甚爲週到。然勢力範圍。僅能及於城鄉各處。究未能施之租界以內也。斬草固難。阻當若云。除根則未見也。我輩早已料及。是以聯袂而來。以爲保衛辦子。維持辦種之地位。貴會剪刀雖利。奈我輩足不出租界一步。諒貴會亦無如我何也。如貴會能於租界之內。大施手段。則我輩始能欽服。若僅僅如是。通電我輩。方笑之不暇。亦何畏哉。特此奉聞。租界內有辦人發。

### 上海妓界呈大總統電

冰 血

北京大總統國務院參衆兩院武昌黎副總統各省都督民政長公鑒。前楊梅都督陳其美。於去歲手創新上海。厥功甚偉。在都督任內。以振興我妓界實業爲維持上海商務唯一宗旨。一時引爲偉論。陳其美躬自嘗試。首先提倡。揮霍巨萬。毫不吝惜。身染梅毒。何常怨憤。其熱心慷慨。早爲我妓界所敬愛。頌拜者也。近日爲其黨人強迫。派往鄉間。脫離迷魂陣。投入戰鬪場。豈其本願。曉攻夜戰。櫛風沐雨。左無侍女。右無婢妾。孤苦零丁。更爲我妓界所痛心難忍者也。如今影響及於北里東姬牀。虛西

姝室寂燈淡影孤受困匪淺此公不出如蒼生何伏乞大總統俯察下情收回前命北里准其自由來往妾輩謹當於繡幃之中香枕之上切實勸導務使其感觸時艱痛傷民瘼悔改前非恢復名譽以副大總統與人爲善之望臨電惶懼香汗淋漓不勝急切盼命之至上海清和坊同春坊東蒼坊兆貴里小花園各團體妓界營業部公叩。

無線專電彙錄

昨晚十三時。鄂都城鬼兵忽生變亂。宣言久未得餉。縱燐火。焚掠。鬼民驚恐異常。秩序大亂。當即閉城捉拿叛兵。陸續擒獲百餘名。陰租界一帶均未遭搶劫。惟秩序稍亂。

剝衣亭左右紙紮店錫箔莊冥洋店及元寶彩緞均被搶掠一空。當兵變時牛頭馬面判官無常四隊官即率兵阻壓衆鬼兵不聽命令故搶劫至千餘家之多。

鬼門關都督周瑜舊病復發將往黑暗城滑頭醫院醫治都督一職由魯肅暫代。



聞某國進兵。佔據望鄉台。尖刀山等處。閻羅已遣專使與之交涉。秋瑾女士有充陰京高等女學校校長消息。

豐台鐵路（自豐都城望鄉台）總理一差盛某運動甚力。陰大總統頗屬意於端方。故至今尙未發表。

秦檜李闖因無位置頗不滿意於新政府。陰總統竭力排解。

財政總長趙立壇向某國借巨款未允。趙電請盛某說項。

參議院已召集開第一次正式會議時。各議員對於借款問題反對甚力。陰總統急電佛學會會長唐僧普施經懺超度衆生。

聞此次鄂都兵變係受宗社黨北地王所煽動。奈何橋至望鄉台交通已斷。

### 某縣民呈縣知事文

縣民某某謹呈。爲尊重法律。遵照非訟事件。陳請准予自由行動以存生命事。縣民不幸生於滿清。非法治國之下。迫於國內例。故作不正當之做官營業。又因不諳侵



蝕中鮑等做官方法以故囊橐空虛無稍儲備及革命事起改良政治福國利民拯救同胞之文言日與耳目相接觸以爲行將見諸事實矣詎知一年以來有業者變爲無業有財者變爲無財士農工商輟業待斃問所最敬愛之高貴軍人甯不顧平民之損失而任意損失之意者必當償以拯脫壓縛俾均得享法治國安居樂業之幸福乃失業乏食者日增日多縣民猶其一也鬻力於士士曰我方凍餒安所得備金鬻力於農農曰田畝聽蕪乏業農基本金焉能用人於工於商亦皆曰工輟肆閒曷需乎爾投畀豺虎豺虎不食投畀有北有北不受猶口號福國利民拯救同胞之最少數新人物則生活程度日高衣食住娛樂日進揣彼恆言必曰相彼小民例歸淘汰新種漸繁方足受我輩造施之幸福試觀法蘭西之恐怖時代莫斯科之人煙斷絕皆有此種之景象非今斯今何足爲異查法治國無告人民例得請願官廳要求支配或陳請給予自由行動今民等損失之後謀覓業務場所不得無已祇得迫請縣長就地支配或發給准予民等自由行動執照以便擇地擇業藉覓生計而存生命實爲德便是否有當伏乞迅賜批示祇遵合援非訟事件法典上呈

勞働社會呈自由神文

顯公

稟爲不平則鳴。呈求鑒核事。竊聞自歐化東漸。自由平等之說。喧騰於社會。吾國新學界亦極力提倡之。可知人類之尙自由。世界之重平等。固天演之公理。亦人情所必爭也。况乎均富之說。早創於亞丹。並耕之言。曾傳於許子。中西學者。用意從同一。有偏枯。必生怨望。此尤事勢之所必然者也。伏念某等。戴高履厚。同爲共和國民。宜乎人世間之富麗紛華。不難沾同等之利益。而乃命之不猶。天乎。此酷安逸。遠不及。猫狗勞瘁。更甚於馬牛。劇憐終歲奔波。曾無一朝休息。而世之蠅營富室。蟻附權門者。並無負重之材。轉享安閒之樂。蒼蒼者。何其濛濛。赫赫者。故作癡呆。豈真愚賤之可欺。未免情理之難恕。爲敢合詞具稟。自由神台前。尙望鑒填海之苦哀。施回天之力。恕乎。惟恕。合富貴貧賤而共治。一爐平其不平。舍法律紀綱。而別有千古。臨稟不勝悚惶待命之至。謹呈。

煙鬼擬呈政府文

立三

呈爲禁煙嚴厲。備受冤抑。乞弛煙禁。而保生命。仰祈鈞鑒事。竊維國事腐敗。致貽病。

夫之譏軍政不修遂成弱國之衆事各有因責無旁貸詎論者不察謂中國之積弱雅片爲之厲階政府偏聽蜚語力事驅除夫雅片入中國垂數十載靡貴靡賤類皆與結不解緣歷年不可謂不久流傳不可謂不廣誠以天之生物各有取材煙之與人確有利便故友朋過從煙實爲消間之良具妻妾酬應煙尤爲縱樂之要需涕淚縱橫則假煙以提神疾病纏綿則假煙以施治有利足述何害可言且吾等全成鬼趣博旦夕之歡娛置浮沉於不問半榻橫陳盡吞雲吐霧之妙一燈黯淡極談天說地之娛不但未預國政抑亦妄顧家事試觀烟癮稍深程度較高者每多晝伏夜現尤爲安分守己之明徵雖有烟槍等具並無犯法情事乃不蒙垂諒歸咎吾等加以苛政一時雷厲風行欲斷則氣喘如牛性命難保不戒則胆怯於鼠禁令難違吾輩烟鬼值此時機誠太苦矣丁斯厄運不亦冤乎以風馬牛之不相及竟橫遭牽累若是疾首痛心其何能已吞聲飲恨實有未甘爰不揣冒昧披衷上陳伏乞卽弛烟禁恢復舊觀俾烟氛上繞重霄燈光永暉萬古則烟商幸甚烟民幸甚臨穎不勝高臥待命之至

擬取締各報登載訛辱官場示

爲剴切布告事。照得民間點燈理宜受官場之約。束州縣放火本不許平民之謗言。斯乃故老相傳之諺。到處皆知。况爾後曹文墨之流。須知自愛。乃忽自近年以來。滬地一隅。往往有投身報界。肆意訛詈。或僞託滑稽之語。或假稱自由之談。名爲滑稽。出言盡屬無稽。汝固自由。我輩却不自自由。餘如種種之妄言。難以一一而盡述。大掃官界之顏。顯背本憲之願。宦途之醜態畢露。未免難堪。官場之名譽難留。今將焉託。雖云宦顏之厚。有如牛皮。然以輿論所譏。究形馬脚。冷嘲熱諷。無非逆耳之言。大聲疾呼。悉是削顏之語。視本憲如俎上之肉。荼毒何堪。觀爾曹實眼中之釘。驅除難緩。本憲雖不追究。已往之咎。勢須杜塞。未來之源。此風苟不預防。後患何堪。設想爲此特行曉諭。俾使周知。如有以本憲之諭爲耳風。何異以官場之言爲屁放。斯則例應嚴禁。宜予示懲。或科以罰款之條。或處以拘留之罪。凡爾各界。咸宜凜遵。倘敢陽奉陰違。立卽格殺勿論。特示。

擬租界收房租人告示（仿官場六言韻示體）

顧公

洋人造成房屋。租與你們居住。妻兒合家搬來。豈不團圓有趣。小租理應多加挖費。莫嫌太巨。偶然屋頂滲漏。可以塞些破絮。倘有門窗欹斜。破木亦可支柱。休要嫌歹道好。譬如沒有住處。房租必須早交。拖延實難。輕恕如敢藉詞。延宕釘門。莫怪忽遽。若然爲數稍多。還要捕房裏去區區言出。令行問汝。可敢抗拒。

擬嫖界大王禁止滑頭漂帳告示

顛俠

爲禁止漂匪漂帳。剗初曉諭事。照得交易以信用爲主。女閩亦商戰所關。旣已業操北里。作皮肉之生涯。豈真能喝西風。任肚腸之餓斷。是則爲狎客者。當何如萬分體恤。一味志誠。方爲妓女所歡迎。足見老官之體面。詎料爾奸刁漂匪。良心喪盡。自其漁色之機。謀絕不以憐香爲宗旨。衣裳楚楚。大言炎炎。擺酒則定是雙檯。叫局定須一打。至於吃便飯。打茶圍。幾於逐日無虛。或竟通宵不歇。甚或鴛被底。眞箇銷魂。翡翠巢中。希圖專利。彼小嬌生。百般承奉。亦自謂得此如意。耶必然纏頭之錦。慨贈千金。定情之珠。相遺百琲。方可免父兄娘之責備。而免姊妹行之挪揄矣。奈何黃梁未醒。佳節倏臨。急待巨款之輸。藉償積逋之重。而爾漂匪。輒杳如黃鶴。縮等烏龜。

致令娘姨大姐奔馳馬路之間。蹀躞茶樓之上。追尋既久。形影俱無。彼小女子受店家之逼迫。悲門戶之難支。非隕身於雉經。卽畢命於鴉片禍胎之釀。誰爲厲階。按之新舊法律。奸徒騙人財物。國有常刑。爾等妄逞色心。戕賊人命。較尋常之拐騙財物。罪當更加數等。本大王職司除莠。情重護花。亟須盡法。以懲誰敢。以身爲試。現已籌集巨款。聘請花叢偵探。暗中巡緝。仿近日嚴拿革黨之例。密布網羅。斷不任鬼蜮伎倆。幸脫天誅。爲此曉諭爾滑頭大少。空心老官。以及浮頭浪子。諸式人等。一體知悉。從此激發天良。各安本分。勿作蠹花之賊。永爲不叛之臣。本大王當一律從寬。免追既往。倘仍執迷不悟。更蹈前非。一經查獲。重則格殺勿論。輕亦治以太史公蠶室之刑。使永世難尋。歡好以爲狡計。騙人者。儆爾雖逃。至海外該偵探自有法拿。獲須知嫖界。漂匪。非國事犯。可比。卽外人亦不屑庇護也。本大王言出法隨。其各凜遵。切切勿違。特示。

擬弛禁全國鴉片烟示

元俊

欽加十三品銜水晶宮丞相弛禁全國鴉片大臣莫爲出示曉諭事。照得民國成立。



百舉俱廢。非多吸鴉片。不足以振精神。而勤事務。乃近聞有不法之徒。立志戒絕。並私設戒烟局。誘人脫離樂境。霸剷烟苗。情事殊堪痛恨。爲此出示曉諭。凡我廢民。人等一體。知悉。嗣後再有戒絕鴉片。私設戒烟局。並擾害烟苗等。一經發覺。立即嚴拿。重辦。決不寬貸。其各懷遵。毋違。切切特示。發各處廁所實貼。

擬開台基老媪密札蕩婦文（仿前清官場札文）

顛公

爲密札事。照得該婦前曾面稱。以寂寞孤衾。不甘獨宿。且臙脂花粉。在在需錢。經濟亦甚困乏。懇請量予試用。發交台站。差遣等情。當即面加考察。該婦姿態風騷。性情流動。堪充外交之選。因即發交陽台。當差數次。詎勉從公。尙無貽誤。曾由本台主優加獎勵。并予註冊。如有缺出。聽候儘先委用。以示獎勵。前據守台人役報告。近日該台出有重要差使。亟須妥爲交涉。稟請揀發。外交能員。速往辦理等語。查兩方面交涉。爲今日最重要之事。該婦奮勇於前。自不致規避於後。爲特密予札飭。札到該婦。迅速赴台。照約辦理。勉竭股肱之力。勿貽退縮之譏。以副本台主殷殷期望之至意。毋違切切特札。



代擬某學生尋文憑賞格

立賞格人某學堂畢業生某。爲尋文憑事。緣學生人格半多高尚之徒。而我輩行爲雅愛風騷之事。日則濫等學校。夜則冶服娼門。喝月倒行。催花早發。顧安肯埋頭書帷。下久事筆硯。間乎是以五陵買醉。常遺琥珀之鞭。一石留髡。每墮釵環之飾。酩酊於枇杷巷尾。飄流於桃葉渡頭。雖烟花浪子之閑情。亦裘馬少年之本色。何必跋前疐後。動虞學界之嘲。不妨坐月批花。且索秦樓之笑。乃錦瑟旁邊。方手揮而目送。珠囊底下。忽摸索而心驚。一張大學文憑。竟在小班遺失。或者鵝兒瞥見。誤手票而收存。未必馬扁撞來。欲頭銜之他耀也。惟是所關重要。懼同滄海遺珠。自悔輕浮。恐比屋門失璽。特爲告白。願出花紅。倘能璧還。故鄉敬謝百元之禮。若識劍埋所在。亦賞五十之金。我豈張儀徒工說謊君。非漂母大可受酬也。夫學生而遺失文憑。未免末路可憐。然大臣曾脫落國書。亦復當仁不讓。統望僂兒纖豎。狎客狡童。或從蓆底而搜。或自被間而拾得。交回原主。感謝仁人。決不食言。此帖是實。

擬嚴拿流氓攫婦女首飾賞格

漱石

爲懸賞緝匪事。照得強徒。不。法。律。有。明。條。士。師。詰。奸。責。無。旁。貸。若。使。滿。街。不。靖。何。用。官。爲。致。令。行。路。擔。驚。成。何。事。體。茲。查。有。等。攫。物。流。氓。道。旁。駐。足。伺。婦。女。之。經。過。弄。口。飛。身。竟。金。珠。之。亂。搶。顧。咸。卿。之。不。作。誰。撻。其。鋒。黃。勳。伯。之。久。亡。難。擒。厥。犯。坐。是。逍。遙。法。外。幾。破。獲。之。無。從。遂。致。擾。攘。境。中。更。橫。行。而。無。忌。慘。聽。伶。仃。弱。女。呼。號。來。求。救。之。聲。那。堪。腐。敗。岡。巡。飭。緝。鮮。獲。凶。之。日。爲。此。出。立。賞。格。嗣。後。如。有。當。場。拿。獲。此。等。匪。徒。者。賞。洋。若。干。元。事。後。知。風。報。信。因。而。拿。獲。者。賞。洋。若。干。元。總。期。有。犯。必。懲。捐。廉。奚。惜。不。得。挾。嫌。妄。指。反。坐。難。寬。須。至。賞。格。者。右。賞。格。發。通。衢。大。道。私。街。小。弄。一。體。實。貼。

擬妓傭緝捕漂帳客人信票（仿前清官場信票式）

漱石

頭。姘。頂。歹。樂。部。侍。郎。總。辦。淫。務。處。事。宜。實。授。千。夫。長。花。爲。緝。捕。事。照。得。節。屆。中。秋。凡。向。在。本。處。行。走。得。受。本。處。利。益。之。人。宜。如。何。激。發。天。良。傾。囊。圖。報。乃。查。近。來。有。等。漂。匪。平。日。碰。和。擺。酒。居。然。闊。綽。非。凡。此。時。蝨。尾。縮。頭。竟。爾。躲。藏。不。見。手。巾。之。洋。未。給。數。月。空。揩。節。盤。之。賞。難。圖。一。元。亦。吝。而。本。處。茶。烟。瓜。子。樣。樣。花。錢。稀。飯。點。心。般。般。耗。費。出。堂。差。則。有。轎。金。之。貼。留。夜。廂。則。有。元。寶。之。貽。若。大。少。竟。屬。空。心。使。妓。女。如。何。活。命。

爲此合行緝捕。限卽日務將該漂匪等迅速獲案。聽候本處嚴加訊辦。或發小房子監禁。或送剝衣司嚴懲。以儆刁風。而維淫務。毋任漏網。火速切切。

惡搗凌虐妓女判詞

顯公

勘得該惡搗性逾蛇毒。情比狼貪。以所積造孽之貲財。爲特別買淫之營業。蓬門弱質。出賤價以租來繡閣。嬌娃設奸謀而騙到買笑之生涯。偶淡無情之酷虐。橫加毆之終夜。何堪此縷縷傷痕。跪必通宵。并不許嚶嚶泣。凡此凶殘之辣手。實無幾微之人心。國法有所難容。冥律亦難輕恕。是宜重加懲儆。略示平反。憑我大法官之權衡。平彼小女子之冤憤。比雞犬而重加宰割。不妨試於滅輕刑律之時。變螻蟻而罰入輪迴。姑准行於破除迷信之日。律由義定。輕重極得其平。言出法隨。幽明咸遵。其例此判。

擬徐仲魯判詞

壽使

勘得庸醫狡獪。殺人不必用刀。壯士雄奇。禦敵居然執梃。爾徐仲魯性質豺狼。衣冠禽獸。生來無負郭之田。何處是點金之穴。憑赤手以經營。逞黑心而徵逐。懸壺近市。

未諳岐伯之經。補壁濡毫。豈有徐熙之筆。門庭冷落。求診人稀。囊橐空虛。謀生計拙。乃以飢寒交迫。因之盜竊爲能。謂至戚不難。誑騙喜洋。商肯出貲。財射水含。沙移花接。木荒塚淒涼。故鬼安能抵抗。危樓締造。新交共賀。落成然機關無不洩之時。斯主客有共爭之利地。非借乎荊州。智欺魯肅。券未焚於薛邑。債索田文。彼方挈幼子而登堂。勢同騎虎。此竟偕老妻而畫策。氣奮搏獅。視人命若微塵。孟獲之七擒。大贅振神威於大杖。張良之一擊。偏雄腦漿迸裂。似發硎而莫敢當。鋒尸骨安排非下石而居然投井。冤沉海底。精衛難填。春志江邊。杜鵑空怨。而且無辜孺子。光期竟使分離。至近比鄰。入夜亦聞呼救。胡爲鬼蜮工欺。妖狐善變。內藏機智。庭階拒偵。視之人外。託從容冠帶。作弔喪之客。死者已矣。譎何如之。然而地皮易盜。天網艱逃。屬垣有警。旣畏株連。同空成仇。輒謀械繫。擁至公堂之下。衆口喧闐。提歸私宅之中。遺骸掘發。腦筋破壞。陳琳之檄稿無靈。軀幹沈淪。叔寶之胭脂並辱。郎豈薄情。似演劇而何妨。打槓兒還助。虐倫承家。而不負析薪。罪案分明。爰書確鑿。詳正典刑。定爲絞決。用是網開之面。宥爾妻孥。但憑組結孤喉。慰他鬼族。嗚呼。掌握靈樞。喝叱作當頭之棒。頸

拖匹練縱橫疑繫足之繩此判

莊鏡蓉圖奸不遂勒斃子媳案判詞

判曰。碧翁作孽。螟螣竟生。害苗之虫。責女凌寒。松柏乃見。後彫之節。直道冤沈。大海蛟啼。魚泣者三年。終看祀奉。崇祠蘭藉。蕙蒸兮千古。是雖家庭間之慘變。然亦鄉土史之美談。已。莊張氏者。京江望族。相國遺芬。幼厭兒嬉。長承姆教。懷中抱列女之傳。抵璧同珍。膝下與寡母相依。如荼共苦。嬰兒子不嫁。惜有志而未能。君家婦難爲。輒諷詩而弗信。於是誤鳩爲媒。比鷓得婿。左佩幌。右佩管。內則初嫻朝織。素暮織。緜婦功無闕。其翁莊鏡蓉者。夢中狂蝶。牀下靈龜。作錢串子之生涯。有臭蒲包之綽號。河水瀾瀾。竊有慕乎新臺燕尾。涎涎竟自忘其公子。始則目逆而送。繼則膽大妄爲。足加諸膝。一圈之麻雀。驚飛口不能言。兩塊之燻魚。怒擲爲鬼。爲蜮不止。三挑呼地呼天。已拚一死。迄前清宣統元年五月二日。氏遭慘斃。翁遂潛逃。天日無光。人神同憤。螿蟻隱棺中。驚八字之痕。鴻雁冥冥。淮上得孤飛之迹。鏡蓉乃夜叉相變。禿鷲啼來。衆曰。彼哉。彼哉。佛說罪過罪過。攘羊證父。直躬之子。已成名野狐。逃禪枉死之鬼。

難。瞑。目。而。乃。案。懸。不。決。呼。籲。無。門。倪。菩。薩。一。味。慈。悲。倪。令。曾。鑿。承。太。守。萬。分。狠。狠。  
（承守璋）八十一人之公稟鮑老空催（鮑心增領銜）千數百字之彈章左邱無目  
（臬使左孝同被劾）特選地皮知縣重開煤炭公司（乃發審局之別名）宗大砲信  
口牛吹王八蛋搖頭狗放陳死人本來陳死胡塗虫到底胡塗（宗王陳胡均承審  
官）獄中行樂花和尚格外裝瘋堂上揚聲母老虎居然可怕（莊妻李氏承審官  
羣稱爲母老虎）幸而風雷丕變日月重光檢骨之慘劇未成泣血之奇冤更訴本  
聽誓超黑獄牢守金科重證弗重供自奉新頒之律救生不救死痛除舊染之汚此  
案親屬證姦在卷之初供足據（妻子女之初供均認鏡蓉有調奸情事且當堂列  
舉數證）阿翁勒斃當場之屍格可憑而况頭上光光更覺心中了了莊鏡蓉合依  
殺人律可處以死罪清君入甕且登纓首之臺與鬼爲隣當入阿鼻之獄莊張氏紅  
帛能甘青蓮不染尤爲女界之範宜邀民國之旌君家前有兩文貞五十載復見清  
泉白石天下最難一死字億萬年永光鐵甕金山此判

琴姬訴冤詞



具呈人花翠琴。爲夫主肆口寃誣。懇祈昭雪事。竊翠琴早離怙恃。誤落風塵。亟覓良家。遂歸耄吏。一枝紅杏。強倚枯楊。百疇黃鶯。勉隨老鶴。心如膏火。煎油。郎病骨。以成塵。身作蒲帆。送茶客。輕舟而出。世舉家白眼。兩次青樓。膝繞雙雛。眼空萬馬。則有龍陽才子。豸繡神童。在名場卅年。領右江一道。襍捐澧浦。木有梁鴻之妻。路出春申。巧遇李園之妾。遂聯鴛鴦。隨任龍州。三月宣風。一朝落職。畫餅名士。岑督部之彈。章紈袴少年。柯中丞之考。語相從萬里。浮海入江。不名一錢。自閩徂鄂。從此居廬。三載。食貧六年。貯苦停辛。相夫教子。朝謀酒價。拔蟬鬢之金。釵夜伴書燈。費鴛針之繡線。泊乎肇羅蒞任。嫡庶紛來。三妾一妻。視齊人爲倍。朝雲暮雨。豈楚王所堪。夫三士二桃。隕身不免。况多僧少粥。飽食安能。雖逐鹿房中。得雋未知誰手。而積薪榻上。後來終在人先。今者故劍還鄉。青琴在御。重來滬上。賃此樓居。竊自以爲尋魚水之歡。勝於富貴作鴛鴦之夢。不羨神仙矣。何期夫也。不良言之可醜。頃見其詩云。中年妾似方張寇。此則腐心切齒。泣血呼天。不能不申辯寃誣。仰求昭雪者也。夫翠琴今年三十。三兒夫現年五十五。是渠已篤老。何得嫌我之中年。翠琴孤居上海。與舊院無往來。



而其弟作督西江爲政府所拏辦是寇出渠家何得誣我爲巨寇苟有哮聞信語四鄰甯不聞知如非攪糞翻盆七字何容妄造夫以千金置媵十載從夫紫誥難希斛珠無望所恃者高柔愛玩荀倩恩憐耳今乃病狂喪心發風動氣終身若此惟垂泣於中庭中歲且然更何望於白首厭家雞愛野鶩保無聘茂陵女之心狎淫女比頑童本來具登徒子之癖或因防閑致怨約束成讎此則劉夫人恐傷盛德益高安石之名管仲姬獨占春光懼損鷗波之壽渠旣讀書甯不知此而惡詩示人寇讎目我以張八生硬相比則脫籍者已不堪以齊二寡婦見譏則爲夫者更不利是用列詞上訴泥首哀鳴伏望雪洗兒之謗史考楊妃辨駟僧之誣案翻清照德同香尉護花有玉暑之鈴條詩改徐凝洗墨涌廬山之瀑布謹呈

琴姬訴冤判詞

樊山

判白易觀察周家太子其生有所自來海內名賢無一不相識者嬉笑怒罵皆成章跌宕風流不拘繩檢爾琴姬登茵離溷風高重轉落花紅將故比新又是一年春草綠本無可憶金徽不是無情事有竟成玉樹居然可倚間者偶因戲筆遽肇訟端

觀察深悔粗疏。自認誣妄。因求奇闢之句。幾成訣絕之嫌。舍弟江南家兒。塞北本莫須有之詞。猿啼。呂四狗吠。張三亦俳諧詩之類。重勞申訴。合與辯明。查例載誣人謀反。則革職。罪尙有餘。若經云怨耦曰仇。則亡國實基於此。姬固深明大誼。夙號多情。重譴固不忍聞。敗家尤非所願。今斷令罰鍰自贖。屈膝請和。餉阿杜之金釵。叩眉樓之玉屨。亭長誓無外舍。秋娘長此專房。身如色子。雖第四而有徹骨。紅渠本聖童。當抱一以爲天下式。至於句同釘鉸。格類打油。卽非開罪。鴛幃亦恐貽譏。雉囿此後。如昌黎太白。始可言詩。非金荃玉溪。不堪餉客。敢復粗豪。自詡遠有杜工部之藤條。專以纖巧爲工。近有張文襄之橫點。正吟壇之體。除反目之根。其人其詩。庶幾雙美。觀察縱思蠢動。如河東之柱杖。何倫敢故違。有玉兒之牡荊。在是用戒。渠妄語畀汝全權。汝能宜爾室。宜爾家。渠必無私財。無私貨。出告反面。常如玉燕之投懷。右拂左縈。願在羅衣。而爲帶。從此金龜夫婿。夜夜雙眠。銀鹿佳兒。生生不已。豈不懿歟。此判。

夏姬控周公孔子抑壓女權狀詞

雪居

具稟命婦夏氏抱告家人徵舒。稟爲惡人抑壓女權。大傷人道。懇恩提訊。嚴懲以廣。

風流而遂人欲事。竊氏自幼飽讀奇書。深明婦道。年未及笄。卽已陰懷大志。自備資斧。遠涉重洋。歷遊各國。向在寫意學堂肄業。研究不羈之學。久有心得。及內渡回華。正思糾合二萬萬諸姊妹。大試旋乾轉坤之手段。上贊政府萬幾。下發閨閣聾聵。從軍殺敵。賈勇則叱咤風雲。演說驚人。貴任在扶持日月。勉爲二千年未有之英雄。力脫十八重黑暗之地獄。詎意有小人無忌憚之惡人。姬旦胆大妄爲之惡人。孔邱殘賊我女界不遺餘力。姬旦自恃兄爲天子。藉專制之餘威。謬創三從邪說。誤盡可兒孔邱。不知身爲匹夫。肆惑衆之左道。巧立四德。譎言縛束女傑。氏在森羅殿上。構訟多年。皆被迂腐惡黨壓力所制。久不得直。遞至漢賊劉向復妄收一般無意識無價值不開通不自立之女子。著爲列傳。以致我文明女社會慘受屈抑。而野蠻女社會反得流芳。此恨實所切齒。今幸我民國成立。女界昌明。爲此匍赴台階。瀝陳冤狀。伏乞迅賜差拘。該兩人並劉賊到案。分別懲辦。以警頑固。而伸女權。俾我女界從此無一不自由。無一不如願。永無顧忌之患。但享適意之歡。則氏暨二萬萬諸姊妹。同沾厚惠於靡涯矣。謹此切赴五通大王駕前。恩准施行。哀哀上告。

最新滑稽雜誌卷一終

